

# Nova squadra e nov format

■ (rtr) A partir dal mars 2016 ha il Telesguard da Radiotevisiun Svizra Rumantscha cun Annina Campell da Chiuos-chel e Livio Foffa da la Val Müstair duas novas fatschas. Els complete-schan il team da moderaziun da l'emissiu d'infurmaziun. Per il Telesguard: *Annina Campell e Livio Foffa*. Il nov team dal Telesguard: *Isabella Wieland, Annina Campell, Maria Victoria Haas, Livio Foffa*. Annina Campell, 31, da Chiuos-chel, ha lavurà avant la camera per ServusTV e Red Bull TV. Tar SRF han ins vesì ella dapi 2012 en ils formats «SRF bi de Lüt – live» sco reportra ed en «Das Experiment – wo ist dein Limit» sco moderatura. En

il «Telesguard» sa preschenta Annina Campell l'emprima giada ils 24 da mars 2016.

Livio Foffa, 45, da la Val Müstair, è dapi onns la vusch da la damaun dal «Radio Rumantsch». El è engaschà dapi 1995 tar RTR, ha lavurà sco moderatur e redactur per differents formats, ha manà la redaziun da sport ed ils ultims onns era la moderaziun da radio. Livio Foffa lavura – sper sia nova incumbensa tar il «Telesguard» – vinavant per il Radio Rumantsch.

## Telesguard era la stad

In'otra novaziun spetga la stad che vegn sin aspectaturas ed aspectaturs: Sin gi-

visch da bleras vuschs or dal public ha RTR decidì da far in test cun in Telesguard era durant la stad. Il format è anc en svilup. Emess vegn el durant l'emna curt avant las 18.00 sin SRF1.

*Ladina Heimgartner*, directura RTR: «Sco interpresa publica stattan ils bagegns da noss public per nus en il center. Jau m'allegrel da pudair realisar quest giavisch da noss public e che nus possian raquintar era durant la stad tge che marscha en Svizra rumantscha.»

Sch'il Telesguard da stad vegn realisà er en l'avegnir u sch'i resta tar il test durant la stad 2016 vegn decidì suenter la stad.



Il nov team dal Telesguard: Isabella Wieland, Annina Campell, Maria Victoria Haas, Livio Foffa.